

بِسْمِ اللَّهِ الرَّحْمَنِ الرَّحِيمِ

CONFÉRENCE INTER-RELIGIEUX
Dans SAINT-JULIEN

DISCOURS

HAZRAT MUHYI-UD-DIN AL-KHALIFATULLAH
Munir Ahmad Azim

(Résumé Discours)

Eid-ul-Fitr : Août 2015

Après ki li fine salué tous l'assistance (bane invités & membres du Jamaat à Saint-Julien) avec la salutation de paix dans l'Islam, le Khalifatullah (atba) fine lire Tashahhud, Ta'uz, Surah Al Fatiha (Chapitre l'Ouverture Quran), et li fine ensuite dire :

Mo bane chers frères et sœurs,

QUE LA PAIX DE DIEU LORS ZOT

Mo remercier zot – bane invités et membres du Jamaat – très chaleureusement ki zot fine réponde à l'appel de nous société religieuse – Jamaat Ul Sahih Al Islam – et zot fine vini aujourd'hui. Par la grâce d'Allah (Bondié), nous société religieuse fine organise sa causerie là aujourd'hui dans cadre ki le message d'ene réformateur de Dieu du nom de Mirza Ghulam Ahmad (paix soit sur lui) – d'origine en Inde – fine vine à l'île Maurice et sa l'année là faire 100 ans.



1915-2015 faire cent ans dépi ki le message de Hazrat Mirza Ghulam Ahmad (as) fine rentre dans nous ti l'île Maurice. So message fine propager dans 4 coins l'île Maurice et azordi ena des milliers adeptes (ki fine croire dans so message) et ki trouve dans plusieurs la ville et villages à l'île Maurice et aussi dans Rodrigues. So venue ti fine fini prophétiser dans le Saint Coran et bane dire du Saint Prophète de l'Islam Hazrat Muhammad (saws). La Bible aussi fine prophétisé, la religion de l'Hindouisme aussi fine prophétiser lors la venue d'ene réformateur et aussi ena bane les autres grands religions ki pé attane toujours ene réformateur pou vini pou reforme l'humanité.

Donc, pou azordi mo cite quelques paroles céki la Bible et bane écrits Hindous dire. Nous fine apprane ki la Bible faire comprend ki dans les derniers temps, kan l'état religion en général pou bien pitoyable, à ce moment là Dieu Le Tout Puissant pou envoye ene réformateur. Sa c'est ene croyance unanime du monde Chrétien ki Jésus Fils de Marie pou révine lors la terre avant la fin du monde. Et nous aussi nous croire, nous ena sa croyance là, mais seulement pas même Jésus Fils de Marie ki ti vine pou bane Israelites, ki pou vini en chair et en os. Lors sa point là nous ena ene différence ki sa réformateur ki pou vini là so mission pou ena ene ressemblant en esprit et en puissant ki li pou ene personnification de Jésus Christ (paix soit sur lui).

Donc dans la Bible ena plusieurs prophéties concernant l'arrivée du Messie. Mo mentionne seulement ene là-dans. Jésus Fils de Marie (paix soit sur lui) fine averti nous ki :

L'avènement du Fils de l'homme, c'est-à-dire, du Messie Promis pas pou ena lieu ziska l'heure ki fine prédire par prophète Daniel arrivé.

« Alors c'est pourquoi ki kan zot pou trouve sa abomination là kot pou ena destruction partout dans bane lieux saints et ki prophète Daniel fine prédire (alors ki celui ki comprend sa message là li faire attention !) » (Mattieu : 24 :15).

Donc, Hazrat Mirza Ghulam Ahmad, le Messie Promis, fondateur du Mouvement Ahmadiyya, fine publié so bane titres et revendications. Sa prophétie de Daniel ki fine mentionné dans sa verset la Bible là applique directement à l'arrivée du Messie Promis Hazrat Mirza Ghulam Ahmad (as).

Maintenant dans bane écritures saints de l'Hindouisme, fine mentionné : *« Mo lé Roi, kan vers la fin Kalyug (le temps de bane ténèbres) pou ena beaucoup péchés ki pou commette (par l'homme), alors Narainji (Krishna), pou li-même apparaitre lors la terre pour la protection de la foi, en tant ki Kalangi-Avtar (réformateur) ».* (Shrimad Bhagwat Gita Askand, 12, pg. 623).

Dans bane Vèdes, le nom 'réformateur promis' fine donné à celui ki pou vini en l'esprit et en pouvoir de Krishna.

« Kannaw weyou atsinam torou girnite Marteya. Naheha nou asiyya Mahemanam indrayan sowargini nant anshoul. Gadou satouwant » (Atharved, Kand 20. Sawkat 50, Mantras 1,2)

Traduction : « *Ki sa dimoune là pou été ki pou éloges de la vérité afin pou donne ene nouvo souffle à bane l'âmes de bane dimounes ? Bane ki pou fer bane louanges, eski zot pas pou vine bane héritiers du paradis ? Bane dimounes ki cherche la vérité pé demander ki sa Rishi (prophète) là pou été ki pou illumine la terre. Ô toi prophète ki pou illumine partout, kan eski to pou vini après ki nous fer nous l'appel, nous ki bane dimounes ki pé recherche la vérité et la réalité. »*

Dans sa bane Mantras (versets) là, ena l'annonce de l'arrivée d'ene *Rishi* (prophète), et kot fine adresse li ene l'appel pou ki li vini et répanne bane bienfaits de so bénédictions lors la terre et pour ki alors ena bane progrès spirituels.

Par la grâce Bondié le Tout-Puissant, mo fine mette devant zot quelques extraits de bane écrits de l'Hindouisme et Christianisme, ki prédire de la venue de sa réformateur promis là ki fine paraître d'après bane prophéties et kot so message fine vine à Maurice.

En sa l'occasion de centenaire du message de sa Messie là ki fine répanne et établir dans nous ti l'île Maurice, Jamaat Ul Sahih Al Islam fine tire pour la première fois ene magazine spéciale lors sa sujet là.

Mo remercier zot beaucoup pour zot présence.